



Ženska mreža BiH

INICIJATIVA ZA TRANSPARENTNOST IZBORA KANDIDATA/KINJA ZA GREVIO ISPRED BOSNE I HERCEGOVINE

Za: Ministarstvo za ljudska prava i izbjeglice Bosne i Hercegovine

Agencija za ravnopravnost spolova Bosne i Hercegovine

Komisija za ostvarivanje ravnopravnosti spolova Predstavničkog doma PS BiH

Poštovani ministre Ljubić,

Poštovana direktorice Filipović-Hadžiabdić,

Poštovani predsjedavajući Isaković,

Konvencija Vijeća Evrope o sprječavanju i borbi protiv nasilja nad ženama i nasilja u porodici (Istanbulska konvencija) je sveobuhvatan dokument s velikim potencijalom kao efikasno sredstvo za zaustavljanje nasilja nad ženama i djevojčicama. Oduševljene smo što je Bosna i Hercegovina bila među prvim državama članicama Vijeća Evrope koja je ratificirala Konvenciju i samim time pokazala snažnu predanost zaustavljanju nasilja nad ženama i nasilja u porodici.

Mehanizam za praćenje je ključni faktor da bi se osigurala primjena i ostvarili puni efekti Konvencije. Sada smo u važnoj fazi procesa: dana 19. novembra 2014. godine usvojena su Pravila izbornog postupka za GREVIO od strane Komiteta ministara Vijeća Evrope. Bosna i Hercegovina kao članica Vijeća Evrope je pozvana da dostavi Generalnom sekretaru Vijeća Evrope nominaciju tri kandidata/kinje za GREVIO do 2. marta 2015. godine.

Kao što je predviđeno u pravilima, nacionalni postupak izbora za imenovanje članova/ica GREVIO mora biti transparentan i otvoren za javnost kako bi se ispred BiH nominovali najviše kvalificirani/e kandidati/kinje. Uslov za prijavu treba biti stručnost, nezavisnost, dostupnost i poznavanje stranih jezika (engleski i/ili francuski) kao vodeći principi za imenovanje i izbor budućih članova/ica GREVIO.

Pišemo vam danas da bismo saznali da li je počeo postupak izbora. Vjerujemo i nadamo se da ćete osigurati poštovanje pravila izbornog postupka u potpunosti:

- da proces bude transparentan i otvoren za kandidate/kinje kroz otvoreni poziv za prijave/iskazivanje interesa;
- da se primjenjuju strogi kriteriji (na osnovu zahtjeva navedenih u Pravilima od 2 do 5), tako da se samo najkvalificiraniji stručnjaci/kinje nominuju za kandidate/kinje;
- potrebno je otvoreni poziv/natječaj distribuirati široko i kroz sve relevantne kanale, kako bi

omogućili da svi potencijalni kandidati/kinje imaju pristup informaciji;

- rok za aplikaciju treba biti postavljen na takav način da su svi kvalificirani/e kandidati/kinje u mogućnosti da se prijave.

Inicijativu potakle Fondacija Udružene žene Banja Luka, Udruženje Žena BiH Mostar, NVO Prava za sve Sarajevo, Fondacija Lara Bijeljina, UG Medica Zenica i UG Budućnost Modriča.

Ženska mreža BiH

Broj protokola 4/15

Banja Luka/Sarajevo 28.01.2015.

Handwritten signature in purple ink, reading "Hadžihalilović Selma".

Selma Hadžihalilović
Fondacija CURE – koordinirajuća organizacija 2014 – 2016
Čekaluša 16, 71. 000 Sarajevo
Tel/Fax: 033 207 561